



Stjórn SSH 492. fundur

Mánudaginn 23. mars 2020, kl. 16:00, kom stjórn SSH saman til fundar með fjarfundabúnaði.

Fundinn sátu: Ármann Kr. Ólafsson, Ásgerður Halldórsdóttir, Dagur B. Eggertsson, Gunnar Einarsson, Haraldur Sverrisson, Karl M. Kristjánsson stjórnarmenn í SSH og Rósa Guðbjartsdóttir formaður stjórnar og Pétur Krogh Ólafsson. Þá Páll Björgvin Guðmundsson framkvæmdastjóri SSH og Hildigunnur Hafsteinsdóttir lögfræðingur SSH sem ritaði fundargerð.

Gestur fundarins Eiríkur Björn Björgvinsson.

1. Tillögur stjórnar að fyrirkomulagi afsláttar af þjónustugjöldum leik-, grunnskóla og frístundaheimilar

Fyrir liggur tillaga um þetta efni, en vinnuhópur á vegum stjórnar hefur unnið að mótun hennar.

Niðurstaða fundar

Samþykkt samhljóða að senda tillöguna út í því formi sem hún er nú. Í kjölfarið taki sveitarstjórnir tillöguna til afgreiðslu, og kynning á henni fari svo fram á vettvangi SSH og heimasíðum einstakra sveitarfélaga:

Varðar: Tillögur Samtaka sveitarfélaga á höfuðborgarsvæðinu að fyrirkomulagi afsláttar af þjónustugjöldum leik-, grunnskóla og frístundaheimila.

Á fundi stjórnar Samtaka sveitarfélaga á höfuðborgarsvæðinu þann 23. mars ákvað stjórn að leggja til við aðildarsveitarfélögin samræmdar tillögur er varða fyrirkomulag afsláttar af þjónustugjöldum leikskóla, grunnskóla og frístundaheimila er koma til vegna Covid-19 veiru faraldsins.

Í þeim tilvikum sem þjónusta leik- og grunnskóla fellur niður eða skerðist vegna verkfalls, samkomubanns, veikinda eða sóttkvíar starfsmanna eða af öðrum sambærilegum ástæðum verða gjöld fyrir viðkomandi þjónustu leiðrétt í samræmi við hlutfall skerðingarinnar. Þá verður í þeim tilvikum sem börn geta ekki nýtt sér þjónustu vegna sóttkvíar eða veikinda verða gjöld leiðrétt hlutfallslega. Ef foreldrar kjósa að nýta sér ekki þjónustu, t.a.m. með vísan til tilmæla yfirvalda um að foreldrar og forráðamenn haldi börnum sínum heima ef kostur er á hið sama við. Ofangreint nær til þjónustugjalda leikskóla, grunnskóla og frístundaheimila. Ákvörðunin er tímabundin og gildir til loka maí. Endurskoðun fer fram að teknu tilliti til aðstæðna og verður fyrirkomulagið auglýst að nýju eigi síðar en 15. maí n.k.

2. Frestun greiðslu fasteignaskatta, skv. frumvarpi til laga um aðgerðir til að mæta efnahagslegum áhrifum í kjölfar heimsfaraldurs kórónuveiru, þingskjal 1157



Umræður um fyrirkomulag á innheimtu annarra gjalda sem innheimt eru samhliða fasteignasköttum.

Niðurstaða fundar:

Frumvarpið er enn í vinnslu og meðförum Alþingis og því rétt að bíða átektar varðandi það hvernig endanleg útfærsla verður. Tillaga um að kalla saman fjármálastjóra sveitarfélaganna til að meta fjárhagsleg áhrif þessa og þess ef einnig verður boðið upp á gjaldfrest annarra gjalda samþykkt samhljóða.

3. Umræða um ný lög um breytingu á lögum um atvinnuleysistryggingar og lögum um ábyrgðasjóð launa og áhrif þeirra á sveitarfélög

Þessi lög kveða á um aukin rétt starfsfólks til atvinnuleysisbóta komi til minnkaðrar vinnuskyldu vegna samdráttar í starfsemi.

Umræður um áhrif þessara laga á sveitarfélögin og starfsfólk þeirra.

4. Önnur mál

4.1. Mat á efnahagslegum áhrifum COVID-19 á sveitarfélögin

Umræður um vinnu við mat á áhrifunum. Verið er að horfa til þriggja sviðsmynda sem Reykjavíkurborg hefur verið að vinna með. Fjármálastjórar sveitarfélaganna á höfuðborgarsvæðinu munu funda áfram um málið.

4.2. Stjórnsýsluúttekt á byggðasamlögum

Umræður um stöðu þessa verkefnis og hvort rétt sé að fresta því með tilliti til aðstæðna eða halda áfram samkvæmt áætlun. Fyrirhugað var að halda kynningarfund með fjarfundabúnaði næsta föstudag og stærri fund tveimur vikum síðar.

Niðurstaða fundar

Ákveðið að halda áfram að svo stöddu, halda fyrirhugaðan kynningarfund og skoða svo framhaldið.

4.3. Réttarstaða þeirra starfsmanna sem eðlis starfa sína vegna geta ekki unnið að heiman en geta ekki mætt til vinnu vegna skertrar viðveru barna í dagvistun

Umræður um þessa stöðu en það er e.t.v. misjafnt eftir sveitarfélögum hvernig þetta er afgreitt við launaúrvinnslu.

Niðurstaða fundar

Lögfræðingi SSH falið að skoða.



4.4. Flutningur starfsmanna þeirra starfsstöðva sem nú hefur verið lokað í önnur störf

Umræður um heimildir til að færa starfsmenn t.a.m. sundlauga, bókasafna, félagsmiðstöðva í önnur störf og hvort það sé heimilt á grundvelli neyðarástands og viðbragðsáætlana sveitarfélaganna. Það mun vera frumvarp í smíðum þar sem tekið er á þessu á grundvelli neyðarsjónarmiða.

Niðurstaða fundar

Ákveðið að bíða átekta og sjá hvernig þessu verður skipað með lögum.

4.5. Næsti fundur

Tekin verður ákvörðun um fundartíma á morgun.

Fleira var ekki rætt og fundi slitið kl. 17:00.